

abgenom̄en / also daß kein glied sein
 ampt mehr gethan / außgenom̄en die
 Zung. Er hat nichts begert / auch
 nichts gessen; Vnd ob man ihm
 schon etwas mit gewalt eingegossen /
 hat er es doch nicht verdōwet / auch
 keinē stulgang gehabt: allein getrun-
 cken / vnd grausamen durst gelidten.
 Sonsten ist sein Angesicht recht ge-
 stalt / sein Verstand gut / vnd sein Ge-
 dächtniß kräftig gewesen / also daß
 er kein ding zweymal geredt hat.
 Wer zu ihm kommen / den hat er an-
 genommen: gewaltige ding geredt /
 vnd sich für vnd für bezeuget / er sey
 auß gerechtem vrtheil Gottes ver-
 dampt: er sey schon jekund inn der
 Höllen / da er ohne vnterlaß grosse
 pein vnd marter leide: er sey aller gna-
 den vnd hoffnung zu Gott beraubt /
 vnd könne sich der Barmherzigkeit
 Gottes nicht getrōsten: er habe inn
 den H. Geist gesündigt / welche sün-
 de ihme nimmermehr vergeben wer-
 de: